

Latih anak elak kebakaran

bintang hati

Oleh MARIATUL QATIAR ZAKARIA
maria.zakaria@utusan.com.my



Menyedari keperluan untuk meningkatkan kesedaran mengenai isu ini, Safe Kids Malaysia Universiti Putra Malaysia (UPM), Safe Kids Worldwide dan Honeywell baru-baru ini telah melancarkan program pendidikan keselamatan, Keselamatan Kanak-Kanak di Rumah.

Program ini direka khusus untuk membantu mencegah kebakaran, terbakar, dan melecur dalam kalangan kanak-kanak berumur antara tujuh hingga 12 tahun.

Program ini yang disokong oleh Honeywell Hometown Solutions, merupakan satu inisiatif korporat yang memberi tumpuan dalam lima bidang kritikal, iaitu keselamatan keluarga dan keselamatan; sains dan matematik; perumahan dan tempat tinggal; habitat dan pemuliharaan; dan bantuan kemanusiaan.

Ia telah dibangunkan berdasarkan hasil kajian pada

BEBAN PENYAKIT Global, Pertubuhan Kesihatan Sedunia (WHO) menganggarkan setiap tahun kira-kira 265,000 kematian kanak-kanak berlaku akibat kebakaran.

Daripada angka tersebut, majoritinya adalah yang tinggal di negara-negara berpendapatan rendah dan sederhana. Lebih daripada separuh kematian berlaku di rantau Asia Tenggara, termasuk Malaysia.

Di negara ini, statistik melaporkan bahawa seorang kanak-kanak meninggal dunia setiap dua minggu akibat kebakaran atau luka terbakar yang lain.



2016 yang dijalankan oleh Safe Kids Malaysia UPM.

Serentak dengan pelancaran program tersebut oleh Timbalan Menteri Kesejahteraan Bandar, Perumahan, dan Kerajaan Tempatan, Datuk Halimah Mohamed Sadique, satu laporan penyelidikan baharu, *Selamatkah Rumah Anda? Melindungi Kanak-kanak dari Api, Terbakar, dan Melecur*, telah dibentangkan.

Pengarah Eksekutif Safe Kids Malaysia UPM, Prof. Madya Dr. M. Kulanthayan, pihaknya akan melaksanakan projek perintis sekitar April ini dengan melibatkan 6,000 kanak-kanak dari sembilan sekolah rendah di sekitar kawasan Sentul.

Beliau berkata, pihaknya memberi tumpuan kepada

sekolah-sekolah di sekitar Sentul kerana kawasan tersebut mencatatkan angka tertinggi dalam kebakaran.

"Buat masa sekarang, kami bersetuju untuk mengajar mata pelajaran ini semasa waktu kurikulum dan akan diajar oleh tenaga pengajar dari Safe Kids Malaysia UPM sendiri.

"Kami akan memulakan sesi pengajaran pada bulan hadapan dan dijangka mengambil tiga hingga empat bulan sebelum membuat penilaian selepas tempoh tersebut.

"Jadi buat masa sekarang kami masih lagi dalam tempoh kajian untuk mengetahui tahap dan kesedaran kanak-kanak ini mengenai kebakaran," ujarnya ketika ditemui pada majlis pelancaran tersebut.

Tambah beliau lagi, sembilan sekolah yang terlibat adalah empat buah sekolah kebangsaan, dua buah sekolah kebangsaan Cina dan tiga buah sekolah kebangsaan Tamil.

Mengulas lebih lanjut mengenai hal tersebut, Dr. Kulanthayan memberitahu, dalam tempoh dua tahun yang lalu, sebanyak 6.4 peratus ibu bapa melaporkan kebakaran yang berlaku di rumah mereka dan 54 peratus lagi melaporkan anak mereka mengalami sekurang-kurangnya satu daripada kecederaan terbakar.

Apa yang lebih membimbangkan, hanya

satu daripada tiga ibu bapa konsisten mengajar anak masing-masing mengenai keselamatan kebakaran dan hanya 11 peratus ibu bapa melaporkan pendidikan keselamatan kebakaran ada diajar di sekolah.

Perkara ini amat membimbangkan kerana kesedaran dalam kalangan masyarakat hari ini mengenai kebakaran jelas membuktikan masih pada tahap rendah.

Sementara itu, menurut Naib Canselor UPM, Prof. Datin Paduka Sri Aini Ideris, apa yang dilakukan oleh Safe Kids UPM, Honeywell, dan Jabatan Bomba dan Penyelamat Malaysia, merupakan satu kerjasama bijak dalam usaha menangani masalah kemalangan akibat kebakaran dalam kalangan kanak-kanak.

Sambung beliau, dengan ini secara tidak langsung ia adalah usaha memberi pendidikan pencegahan kebakaran kepada masyarakat, sekali gus memberitahu ia adalah tanggungjawab semua pihak.

"Program ini merupakan satu inisiatif yang dilakukan dalam usaha untuk menangani masalah kebakaran sedia ada hari ini.

"Apa yang dilakukan ini juga merupakan satu program yang menyatukan kepelbagaiannya kepakaran dan ia juga memberi keseronokan kepada kanak-kanak apabila mempelajari sesuatu yang baharu," katanya.



Hasil penyelidikan utama

Lebih separuh daripada ibu bapa (54 peratus) melaporkan bahawa anak-anak mereka telah mengalami satu bentuk kecederaan terbakar atau melecur sejak dua tahun yang lalu.

51 peratus daripada ibu bapa bimbang anak-anak mereka lebih cenderung untuk mengalami luka terbakar atau melecur daripada sebarang kecederaan lain.

Hanya satu dalam tiga ibu bapa secara konsisten mengajar anak-anak mereka mengenai keselamatan kebakaran.

11 peratus ibu bapa melaporkan bahawa sekolah-sekolah sering mengajar pendidikan keselamatan kebakaran.

Lebih daripada 80 peratus ibu bapa menyatakan bahawa mereka menggunakan ubat gigi sebagai ubat untuk menyembuhkan luka akibat kebakaran, di mana yang sebenarnya ia memburukkan lagi kecederaan.



HALIMAH MOHAMED SADIQUE (tiga dari kiri) bersama Dr. Aini Ideris (tiga dari kiri) dan Dr. M. Kulanthayan (dua dari kir)